

Гарааны хөрөнгө оруулалтын хөтөлбөр III (VCIP III)

Байршил:

Бүс нутаг

Төслийн дугаар:

53257

Бизнесийн салбар:

Цахилгаан холбоо, хэвлэл мэдээллийн салбар, технологи

Мэдэгдлийн хэлбэр:

Дотоод хэрэгцээнд

Байгаль орчны ангилал:

FW

Батлагдах огноо:

2022 оны 2 дугаар сарын 23

Статус:

Концепт баримт бичгийг хянан үзсэн

Англи хэл дээрх Төслийн тойм баримт бичиг (ТТББ)-ийг танилцуулсан:

2022 оны 1 дүгээр сарын 14

Төслийн танилцуулга

ЕСБХБ нь гарааны хөрөнгө оруулагч туршлагатай түншүүдтэй хамтарч, Гарааны хөрөнгө оруулалтын хөтөлбөр III (VCIP III) арга хэмжээгээр дамжуулан, Банкны үйл ажиллагааны орнууд дахь эхлэлийн болоод өсөлтийн үедээ явж байгаа технологийн компаниудад хөрөнгийн хувь эзэмших, хувь эзэмшилд холбогдох хэрэгслүүдээр (€25 сая хүртэлх хэмжээний) хөрөнгө оруулалт хийх зорилго тавьж байна. VCIP III нь өмнөх хоёр арга хэмжээ болох гарааны хөрөнгө оруулалтын VCIP I ба VCIP II хөтөлбөрийн үргэлжлэл юм. Гарааны хөрөнгө оруулагч талууд хангалттай биш байгаагийн улмаас ийм үйлчилгээ авах боломж нь ихэнхдээ дутмаг, инновацлаг бөгөөд өндөр өсөлтийн үедээ байгаа жижиг, дунд аж ахуйн нэгжүүдэд эдгээр хөрөнгө оруулалт чиглэж, зах зээл дээрх гарааны хөрөнгө оруулалтын хөрөнгийн хомсдолыг нөхөхөд нь тус дэм болох болно.

Төслийн зорилгууд

VCIP III хөтөлбөрийн нийтлэг зорилго нь инновацлаг технологи хөгжүүлэх, арилжааны түвшинд хүргэх, гарааны хөрөнгө хомс, гарааны хөрөнгө босгох экосистем хөгжөөгүй хэвээр байгаа Банкны үйл ажиллагааны орнууд руу гарааны хөрөнгийн шилдэг сангуудыг татан оролцуулах явдал юм.

Бусад гол зорилго: (i) VCIP хөтөлбөр нь ЕСБХБ-ны бүс нутагт мэдлэгийн эдийн засаг бий болгон хөгжүүлэх, технологийн экосистем хөгжүүлэх, инновацийг дэмжих боломжийг Банкинд олгоно; (ii) тус Банк VCIP хөтөлбөрөөр дамжуулан ЕСБХБ-ны бүс нутагт оршиж байгаа гарааны хөрөнгийн санхүүжилтын хомсдлыг нөхөхөд чухал үүрэг гүйцэтгэнэ; (iii) VCIP хөтөлбөр нь өндөр эрсдэл/өндөр өгөөжтэй хөрөнгө оруулалтын боломжуудыг хувь эзэмших төрөлжсөн хандлагаар авч үзэх бололцоог тус Банкинд олгоно.

Шилжилтийн нөлөөлөл

Хүлээгдэж буй шилжилтийн нөлөөлөл (ETI)-ийн оноо: 80

VCIP III хөтөлбөр нь Шилжилтийн өрсөлдөх, хүндрэлийг давж гарах чанар (Competitive and Resilient transition qualities)-ыг сайжруулахад хувь нэмэр оруулах юм. Ингэснээр шинээр байгуулагдсан, инновац ихтэй технологид суурилсан компаниудыг хөгжүүлэхэд туслах, мөн ЕСБХБ-ны бүс нутагт эхлэл төдий байгаа гарааны хөрөнгийн олдоцыг нэмэгдүүлэх явдлыг хөхиүлэн дэмжих боломжтой байх болно.

Зах зээл дээр технологид тулгуурласан шийдэл санал болгож байгаа цахим суурьтай компаниудад хөрөнгө оруулснаар ЕСБХБ-ны Стратегийн хөрөнгийн бодлого (SCF) дахь цахим шилжилтийг эрчимжүүлэх тэргүүлэх зорилтыг хэрэгжүүлэхэд VCIP III хөтөлбөр шууд хувь нэмэр оруулах юм. Гарааны хөрөнгийн зах зээл үүсэл төдий байгаа ЕСБХБ-ны бүс нутагт VCIP үйл ажиллагааг цаашид өргөжүүлснээр энтрепренер ажиллагааг амжилтад хүргэх, гарааны хөрөнгийг хөрөнгийн нэг ангилал гэж үзэх явдлыг дэмжсэн арга хэмжээг үзүүлэн сурталчлах ажилд мөн хувь нэмэр оруулна гэж тооцож байна.

Үйлчлүүлэгчийн мэдээлэл

Төсөл төслөөр нь гаргана

ЕСБХБ-ны санхүүжилтын тойм

250,000,000.00 евро

Төслийн нийт өртөг

250,000,000.00 евро

Нэмэлт үүрэг

Тус хөтөлбөр нь нэмэлт хоёр үүрэг гүйцэтгэнэ гэсэн хүлээлт байгаа. Үүнд: (i) гарааны глобал хөрөнгө оруулалтад дотоодын хамтран хөрөнгө оруулагч болж дэмжлэг үзүүлэх; ба (ii) дотоодын гарааны хөрөнгийн хувь оролцооны зах зээл (syndication market)-ийг өргөжүүлэх.

Байгаль орчин, нийгмийн тойм

Тус хөтөлбөр өөрөө Банкны Байгаль орчин, нийгмийн бодлого (2019)-ын хүрээний ямар нэг ангилалд ороогүй боловч дэд төсөл тус бүрийг тухайн үед нь ангилалд оруулах бөгөөд тухайн төсөл, үйлчлүүлэгчийн онцлогт нийцсэн Байгаль орчин, нийгмийн нарийвчилсан үнэлгээ (ESDD), Ногоон эдийн засагт шилжих (GET) шалгалт тус тус хийх болно. Дэд төслийн ангилалд тулгуурлан, холбогдох ESDD үнэлгээгээр дэд төсөл тус бүр Банкны Гүйцэтгэлийн шаардлага (PRs) хангасан байдлаар зохион байгуулагдсан эсэхийг нягтлан шалгаж байх болно.

Компаний холбоо барих мэдээлэл

Бахром Ибрагимов
02073386000

Хэрэгжилтийн тойм

ТТББ (PSD)-ийг хамгийн сүүлд шинэчилсэн

2022 оны 1 д.гээр сарын 14

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа

явуулдаг улс орнуудын хэлний алинаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.